

# **Cogitationes, Sive Considerationes Christianae Pro singulis Anni diebus**

Complectens Octobrem, Novembrem, Decembrem

**Nepveu, François**

**Monachii, 1709**

Dies 5. De desiderio mortis.. Mors vero Christiano desideranda.

---

[urn:nbn:de:hbz:466:1-60533](#)

Noli tam viles putare animas, quas dia- December,  
bolus putat esse tam preciosas. Salvian.

D I E S V.

De Desiderio Mortis.

Mors vero Christiano desideranda.

I.

SUmusne Christiani, si fidem non habemus? si verò fidem habemus, cur mortem tantopere formidamus? vel potius: qui fieri potest, ut eam non desideremus? natura necessarium nobis felicitatis obtinendæ desiderium inspirat: fides nos docet, nos perfecta felicitate non fruituros, nisi in cœlo, ubi Deum possidebimus, eademe que felicitate, qua ipse, felices erimus, felicitate nempe æterna, vñiversalí, infinita. Ratio nos convincit, nos, nisi per mortem hac felicitate gaudere non posse, & nihilominus tantum abest, ut eam ardenter desideremus, ut potius eam, velut malorum omnium maximum timeamus; ad solum ejus conspectum trepidemus; nec ejus quidem mentio fieri possit, quin animo consternemur? quænam hæc discrepantia sensuum nostrorum? quænam de-

**December.** desideriorum nostrorum dissensio? ad supremam felicitatem pertingere volumus; & viam, quæ sola nos èo perducit, aggredi renuius. Itaque aut fidem, aut animi sensum mutemus; aut adspirare ad felicitatem, aut mortem formidare cessemus: quæ sola nos reddere perfectè felices potest.

II. At, quî scio, inquis, an ad hanc æternam, & infinitam felicitatem prædestinatus sim? si fides te non deficit, tum spes tibi deest. An verò hæc deesse tibi potest, si Christianus es? an ea deesse tibi potest, ubi Deus hanc felicitatem sperare te juber? is, si te illius participem reddendi, cum eam tibi pollicetur, desiderio careret, impostor forer: potestne verò Deus nobis imponere? an spe nostra fraudari possumus? an spes tibi deesse potest, si perpendas, Deum proprium filium nobis donasse? & quid eō donatō negare tibi potest? an illa tibi deesse potest, si recordaris, filium Dei felicitatem hanc sanguinis sui pretio tibi fuisse promeritum, certissimum tibi jus contulisse, tēque petere à Patre meritō posse, quod filius è purâ misericordia tibi meritus est? æternæ felicitatis consequendæ spe destitui, idem est, ac dubitare, vel de misericordia, vel de fide,

li.

litate Dei ; vel de virtute meritorum Chri- Decembris  
sti. At de his omnibus dubitare , estne Christianum esse ? vel potius ? an non est omnia Religionis nostræ fundamenta e-  
vertere ? querimur , tam parùm fidei in mundo inveniri ; inveniturne plus spei ?

III. Possimusne esse Christiani , si cha-  
ritate destituimur ? si Deum non amamus ?  
si verò charitate non destituimur , si Deum  
sincerè amamus , fierine potest , ut mortem  
non ardenter desideremus ; quæ Deum of-  
fendendi nos reddit incapaces , & felicem  
eundem amandi necessitatem nobis impo-  
nit , si non amore tanto , quanto dignus est ,  
certè tantò , quanto amare eum possumus ?  
si Deum amamus , fierine potest , quin o-  
ptemus , ut ejus Regnum nobis obveniat ,  
quemadmodum quotidie perimus ? hoc  
Dei Regnum omni ex parte perfectum ,  
nisi post mortem nobis obvenire , nec im-  
pleri , nisi in cœlo potest : si Deum ama-  
mus , fierine potest , ut non ardenter desi-  
deremus ejus gloriam , & quidem majo-  
rem ejus gloriam ; quæ in eo consistit , ut  
is perfectè cognoscatur , perfectè ametur ?  
perfectam hanc Dei cognitionem , perfe-  
ctumque amorem non nisi in cœlo habe-  
bimus : ad cœlum verò , nisi per mortem  
perveniri non potest. O Beata mors ,  
plus

December.

plus quam mille vitæ mihi optanda; cum  
tu sola mihi vitam amoris, & quidem amo-  
ris perfecti, vitam æternam, vitam summe  
felicem afferre possis!

*Erubesce, quod mortem non desideres; sed  
multo magis immoderatè formides: hoc enim si-  
gnum est, te vix habere fidem, spem, & charita-  
tem. Et si virtutes has non habes, quis es?*

*Quam dilecta tabernacula tua, Domine  
virtutum! concupiscit, & deficit anima  
mea in atria Domini. Psal. 8. v. 2.*

*Qui vult esse cum Christo, patienter  
vivit, & delectabiliter moritur. Aug.*

## DIES VI.

## De Judicio Extremo.

*Misericordia Dei Incitamentum erit,  
& mensura rigoris ipsius in judicio.*

## I.

**A** Mor IEsu Christi erga hominem, &  
misericordia Hominis-Dei pro illis in  
Cruce morientis, erunt in extremo Judicii  
die justissimæ non modò, sed & terribilis-  
simæ peccatori formidandi causæ. Boni-  
tas, & patientia extra modum magna, u-  
bi fatigatæ, & irritatæ fuerint, in furo-  
rem